



DEO OPTIMO MAX:

UNI ET TRINO,

VIRGINI DEIPARÆ, ET S. LUCE,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS;
*mandè discutienda, in Scholis Medicorum, die Jovis, vigesima-prima
mensis Februarii, Anno Domini M. DCC. XLIII.*

M. JOANNE-STEPHANO GUETTARD,
Doctore Medico, Præfide.

An nervi, Canales?

I.



LABORATUM minori arte corpus humanum ne dixeris. Isti rideantur Philosophi quos videas insectorum vestigiis affixos, & cum illis assidue reptantes. Hic hebetioris oculi vitro reparans imbecillitatem, multiplices *aranea* pedes horumque motus varios & figuram consulit. Ille, *musca* furentis irritat aculeum, ut quomodo vibretur apprehendat. Alius, animalculi parvuli corpus, vasculis, nervis, cæterisque partibus instructum stupens, miram Dei sagacitatem appellat. Hæc omnia nonnè & fusiùs, & pompâ locupletiori ex-

A

plicantur in homine? Contracta hæc diviæ potentie delineamenta; num tabellam vincunt ampliorem? Quantus est nostri corporis apparatus! Quàm firma solidorum moles! quantâ vi stat! quanto robore sustinet adhaerentia! ne perpetuis ossa deterantur motibus, bino amictu membranaceo investiantur. Duplicem hanc membranam, exilia permeant vascula, tum sanguinea, tum lymphatica. Hæc interiores ossium cellulas, ipsorumque substantiam utiliter subire, amicè irrorare, novumque semper largiri incrementum quidam suspicantur. Sicque ossa lymphatico penitus imbuta rore, strenuè magis motum exercent. Nec minora fluidorum beneficia, nec minor utilitas, Summus artifex ne quid corpori deesset benigniori curâ indulgisse visus est. Sunt idonea alimentorum masticationi, triturationi, dissolutionique organa; sunt liquorum elaborationi, conversioni, secretioni; sunt eorum denique transfectioni, circulationi, evagationique. Occurrunt ubique ductus, cribra, glandulæ, miræque arte distributi canales. Unum quodvis 'receptaculum', suum ut ita dicam, liquorem expectat, recipit, fovet, ceteris aditum negat. Nec vice versâ liquores unquam legitimum declinantes iter, verita sibi organorum ossia violare tentant. Non, verbi gratiâ, bilis hepate deserto pancreas occupans, per ipsum filtrationem molitur: nec succus Pancreaticus glandulas hepatis insuetâ infiltrationem subit. Quibus semel legibus adstricta est, has docile fidelis natura servat. Ubi ipsa operi manum admovet, quàm maturè cuncta disponuntur! quantus ordo labores distinguit! eorum quæ hujus auxilio fiunt leve saltem delineamentum accipe. Primò quidem cibos ad nutum sthomachus concoquit, præparat. Concoctos intestinis committit, mox in lactis speciem ad lactea vasa deferendos. Evanescere jam crassiores alimentorum fæces: jam liquor benignus adest. Chylus evolvenda brevi fluidorum principia continens, Mesenterii glandulas, cisternamque prætergressus, applicatos ductui thoracico sequitur canales. Ad subclaviam deinde sinistri lateris venam properans, in eâ sanguini permiscetur. Prodit hanc mixtionem exfuscitatus subito corporis levis horror, ob rebelles sanguinis partes, frigidiorumque respuentes chylum. Inde unâ cum victo sanguine per venam cavam in dextrum cordis ventriculum molliori cursu delapsus, ex eo cordis vi constrictoriâ per arteriam pulmonalem in pulmones detruditur. Nova protinus ibi subeunda præparatio; novus instituendus labor. Aer externus quem pulmones alternâ vice concipiunt, contentum in ipsismet sanguinem, verberat, miscet, dividit, attenuat, hujus minuit globulos, motuque indefinente adeo torquet & exturbat, ut circulationi aptiores efficiantur, rubrumque tunc induant colorem. Tali agitatione subactus sanguis, jam tum purus sincerusque per venam pulmonalem sinistro cordis ventriculo redditur. Ex eo tandem vividiori caloris gradu refectus, repetitâ cordis contractione per aortam ejicitur. Purpurei deinde rivi plurimos amne pleniori tubos adimplentes, per omne corpus excurrunt. Ne minima quidem dedignantur subire vascula. Quas penetrant partes, has utili recreant igne, suumque ipsis infundunt colorem. Duplex ab omnibus sanguini motus conceditur. Progressivus alter, alter intestinus. Utrumque non una vis excitat. A cordis contractione prior; à simili tunicæ arteriarum constrictione posterior. Hic exoritur ex eo quod fluidi partes totâ vi centrifugâ in poros arteriarum insectæ, à contractis muscularis tunicæ fibris, super axem communem repellantur. Nec eandem eodem momento & cordis & arteriarum actionem esse putes. Tum enim harum dilatata patef-

3

cunt oscula, cū illius fibræ cōstringuntur; & vice versâ. Similis namque & pari tempore, ad circulationem male conspiraret utrorumque nifus. Necesse est tale diffidium. Ad vasorum extrema tandem propulsus sanguis minori fertur impetu. Quâ proportionē decrefcit tuborum diameter, eadem & ipfius velocitas. Tum ejus craffiora, deperditarum partium intervalla implere, superfluum poris miferi, adhærefcere, agglutinari, & in eorum substantiam verti coguntur. Fluidiora vero ab oculis vasorum lymphaticorum, in ukimos capillarium fanguiferorum fines hiantibus exfuguntur, combibunturque. Novo dein lymphæ vel fucci nutritii nomine insignita, lætam univerfis partibus humiditatem, & nutrimentum simul impertiunt. Verū hâc tam variâ, tam locuplete vasorum compage instructus homo, quid est? Mera moles, vasculis quidem mirifice difseminata, vegetantium æmula. Gravem hanc expergeficiamus molem: hanc sensationibus excitemus. Organæ sensus habentur nervi. An dicendi Canales? Id non temere asseri poffe videbitur, si probetur *in ipsis contineri fluidum duplex, unum sensibus obviū, alterum imperfpiciū, sine quo tamen & sensationes & sympathici motus exoriri nequeunt & explicari.*

I I.

OMNIA secretionibus eunt in corpore humano. Has functionum principes meritò dixeris. Illis enim non ritè celebratis, prava imprimatur omnibus humoribus *diartheſis*, mendosusque conficitur succus nutritius. Eas absque legitimâ organorum distributione perfici non poffe liquet. Ideo tot sparsas ubique glandulas, tot evagantes reperias ductus. Omnem machinæ compagem unum idemque cribrum vocat *Malpighius*, nec jam ab ullis carpitur: Oculis namque anatomicis quælibet inspecta pars vel tubosa, vel cellulosa cernitur. Nec ipsamet ossa nec cerebri molem exceperis. Hujus in aquâ calenti si per aliquod tempus corticalis substantia demoretur, tum vasa, tum glandulæ prominentes emicant, merus adest earum apparatus, artificiosaque collectio. Ex his omnibus & singulis densissimum abire videtur tubulorum examen, quos si sequaris in medullam oblongatam rectò cadentes animadvertas. Ex iis & callosum corpus & utraque medulla conflantur. Quin & ipsamet pia mater membranula licet exilissima paribus quoque glandulis sibi adhærescentibus intertexta & quasi cælata est. Istud ope microscopii facilè detexeris. Id etiam sequens docebit experimentum. Proluatur in aquâ repenti pia meninx, cūque fuerit penitus madefacta, inspicitur. Turgentia tum, glandulosa mirum in modum granula exurgunt; oculisque capitis hydropem mentiuntur ebibito liquore tumentia. Verū ista glandularum adeo mira congeries, quâ mente, quo consilio extructa? Earum collectioni impensius incubuisse natura videtur quam ut nihili sint. Quidnam ab eâ commodi in exequendis cerebri functionibus venit? vel quænam elicitur utilitas? at ipsarum, & cæterarum corporis glandularum figuram & functiones perpende, compara. Eadem utrisque structura, excretorii ductus ex utrisque pendent ferè similes, solâ forsan mollitie dissentiunt. Quo tendant ista jam nunc suspicaris? Num, quæso, tot concessis paribus, pares usus, parique officia negaveris? Cineritiam igitur cerebri, & cerebelli substantiam, velut incerniculum habueris, receptaculis pluribus glandulosis distinctum. In

ter hæc tamen, & cætera per totum corpus disposita hujusmodi filtra discrimen possis arguere. Posteriorum enim est edulcorare, transcolare liquores, vel nutritioni partium, vel motui imprimendo idoneos. In priorem verò sinu, illud exprimitur exacuiturque fluidum sensationibus excitandis inserviens, & omnis sympathiæ principium. In ipsorum etenim gremio, & succum nerveum & spiritus animales gigni elaborarique mox evincetur. Quânam arte, quibus ambagibus ista operetur omnium longe difficillima secretio jam acceperis. Ubi è sinistro cordis ventriculo sanguis emicans evomitur, subtilior ejus acies in ascendentem aortæ truncum rapitur, avolat. Truncus iste cum rectò assurgat, ad evehenda liquoris crassiora parum idoneus. Fluidi superstitis pars carotides, pars vertebrales implet arterias. Inter utrumque deinde post medullam oblongatam in eundem redeunt amnem. Mira carotidis in calvariam intromissio. Ubi ad specum ab ingressu sinus lateralis efformatam pervenit multiplices dare reflexus gaudet. Vario incurvata modo, ipsiusmet ossis cuneiformis substantiam excavato sibi canale penetrat. Ascitiâ insuper tunicâ crassiore involvit. Membranaceam hanc ex osseo ductu erumpens deponit vestem; craniumque amictu proprio defensa subit. Tandem, mox depressio cursu quasi evanescens, mox altius evecta, super sellam turcæ diu cunctata emergit. Delitescentem ibi glandulam pituitariam innumeris invadit ramificationibus. Per eas, in ipsâmet glandulâ exonerantur noxiæ fluidi serositates. Inde per infundibulum in jugularem venam depluunt, inopem spirituum sanguinem benignâ humiditate recreaturæ. Sic expeditior factus, soloque dives spiritu sanguineus latex, per majores carotidum ramos effluit facilius. Eos inter hemispheria cerebri repentes videas. Mille scaturiunt exinde rivuli; mille sobolescent mirificè implexi canales. Meandrum erroribus lusuque opposito & quidem non injucunde referunt. Verùm iustus error, iusta confusio, Serpentinæ enim meatus abreptum vividiori circulatione sanguinem coercent; Violentiores frangunt impetus; nec eum tardum esse sinunt. Rapidiori motu intercepto, intestinus exurgit labor. nova fit subtiliorum partium divisio, subtilimatioque. Insignia tum meningis utriusque beneficia. Cum abundanti vasorum distributione discriminetur ipsarum contextus, sanguinis tum intra vasa, tum intra sinus contenti motus, amicum partium subtilisationi jugiter alit calorem, unde etiam spirituosus liquoris extillatio possit excitari. Insuper, totam cerebri molem adeo circumvallant, ut subtiliores particulas & ad avolandum magis præpetes frenari ac in partes subiectas retorquere valeant. Ista verò sanguinis defæciatiora, in intimis cerebri, cerebellique poris ac meatibus insilluntur necesse est. Ibi fermento subjacentium inspirata in meros spiritus animales demum exaltantur. Tam volatilis auræ tantus fecernendæ labor!

III.

SPIRITU animali nihil subtilius. Si per ampliorem tubum fluido densiori, Non impeditus expatiaretur, avolaret. Quot sensationes, quot etiam dulces interirent sympathici motus! perit intercepta mentis cum corpore communicatio. Hebescit stimulus ille homines ad ardua excitans. Omnis evanescit sensus. Num vero sine sensu vita? Sed ista procul. Hæc ne fieret exhalatio natura providit. Socium spiritibus animalibus addidit liquorem. Ille eos undequaque involvit, ipsorumque & vehiculum & vinculum simul habetur. Horum

3

distributioni favet. Evagationem reprimit. Felix impedimentum est. Succum nerveum dicunt. Fluidi animalis moderatorem rectius appellaveris. E' sanguine, cerebri & cerebelli exteriores oras irrigante perpetim extillat. Caudicem exinde transineat medullarem, mollique affluxu per omnes nervorum propagines abit. Quantâ polleat utilitate jam subodoras. Ex sequentibus clarius adhuc elucescet. Si in nervis aut fibris ille deficiat humor, spiritus animales protinus à se invicem distrahuntur; jam liberi debacchantur, suos infleſcunt canales, eosque ac vicinas partes spasmiſis exagitant. Non frequens adest ea fucci nervei penuria. Advehit huic latici subſidia liquor alius. Huic deficienti succurrit. At ipſe ſanguinis beneficium eſt. Arteriæ enim non modo medullam ipſam, ſed & majores nervorum truncos aſſecutæ ſanguiferos ipſis ingerunt ſurculos. Duplex huic ſucco motus impertitur. Alter legitima rectæque determinationis, alter reſſuus, quo nempe liquidum retroſum tendere & quaſi retrocedere videatur. Hinc eſt quod nervorum extremitates partibus quibuſdam immerſæ; humorem quo ſaturatæ turgescunt, aut huius ſaltem profluſia excipiunt. Quæ deinde ad cerebrum deferuntur. Illud ſaltem *extra* * *dubium eſt, fibras ac filamenta nervoſa quæ ſenſorium guſtus atque viſcera cœli-*
ni dicata amplectuntur, ab alimentis ingeſtis libamina quadam excipere. Hæc ſpirituum interdum compenſant inopiam & nervos non reſpuendâ irroratione ſolantur. Nonnumquam fibrarum nervearum oſcula, è viſceribus infeſta benignorum loco exhauriunt. Inde cerebrum perperam affici non raro deprehenditur: Succum nerveum nutritio ſucco congenerem nonnulli prædicant. Quibus aſſentiri nihil vereamur. Diſſimilis utriuſque ſpiſſitas. Quot autem ambobus convenientia? Utilitas ipſorum eadem; ipſorum eſt & commune munus. Unde enim nervi incrementum, unde nutrimentum habent? Utrumque illis à liquore ipſoſmet irrigante maximâ ſaltem ex parte ſubminiſtrari fatentur. Hoc quidem æmulam nervei & nutritii liquoris indolem quamapertè docet. Nec priorem, omne nutritionis opus in ſe recipere arbitreris. Socius tantum huic abſolvendo muneri famulatur. Socium dicimus; at certè neceſſarium. Illo enim depravato, vel deficiente; cadit interrupta vel pervertitur nutritio. Quâ ratione huic perficiendæ conferat, interrogas? Hanc verifimiliorem habe. Vaſa ſanguifera non muſculos tantum, imo membranas, oſſa, ipſoſque nervos ubi viſ ſerè ſubſequentur. Iſ omnibus uberrimam canaliculorum ſeriem inſculpunt, inſigunt. Ad capillaria propulſus ſanguis, nutritiam ſuppeditat materiam. Hæc partium omnium principia & quaſi ſtamina continet, quorum configuratio, aptaque diſpoſitio ab humoris nervoſi adventu & *Ereptis* dependet. In his enim duobus ſtat omne nutritionis negotium; tum ut ſtamina debitâ proportionem protrahantur, & mole accreſcant, tum ut vacuola deperditis reſiſta partibus continuâ approximatione adimpleant. Priuſquam ſibi dicata ſubeant ſpatiola, ſit horum exquiliſta ſecretio, ita ut nec oſſeis, carneæ, nec carneis oſſeæ partes applicentur. Ut ſagax iſte delectus operetur, *vi* quâdam *directrice*, vel *motu* velut *elastico* aliundè quàm ab ipſo ſanguine addicto opus eſt. Huic enim oneri ſaſtinoendo videtur impar ſpiritu animali deſtitutus ſanguis. Ipſi ſuccurrit in nervoſo genere luxurians humor. Ille ſpiritu animali abundè dotatus, ad omnes munificè partes aſſunditur. Arterioſo deinde latici ſubtilis & ſpirituoſus occurrens, craſſiorem eum excitat, exacuit, inſpirat, ad exequenda nutritionis opera inſtruit, & locis quibus adhæreſcere debet accommodat.

* Willis. 1

IN Corticali cerebri substantiâ elaborati secretique spiritus animales & nervus liquor, in medullaris substantiæ tubos abeunt. Eos undequaque intercipit callosum corpus antequam ad medullam oblongatam pervenerint. Medium hanc inter & cerebri molem obtinet locum. A posteriori velut oppressum, medullam vicissim premit. Sensorium commune à plerisque dicitur, à quibusdam imaginationis sedes. Alii sensum communem corporibus striatis committunt. Nec desunt qui calloso corpori animam insigant, unde, velut è folio, functiones omnes sublimis regat. Quibus ego minimè succensere velim. Nec eam ipsis opinionem arrisisse miror. Delusit eos perpetuus spirituum animalium ad hanc partem affluxus, horumque major ibi, quàm in cæteris cerebri partibus copia. Exinde medullam oblongatam permeant. Nervorum ope universo corpori distribuuntur. Nec alios ipsis & nerveo liquori quæras canales. Nullos eorum circulationi aptiores reperias. Nullos etiam sensuum, sympathicorumve motuum communicationi magis idoneos. Quòd spectatâ illorum Naturâ videbitur inconcussum. Ex funiculis pluribus nervus unusquisque constat. Filamentorum fasciculus dici potest. Tot filamenta, tot ductus. Quævis fibrilla, canalis est. Ex majori vel minori fibrarum sociarum numero, major vel minor exurgit truncus. Fila hæc postquam in unum coalescere, distincta remanent. Certè ne fluidi animalis turbentur undulationes; misceantur sensuum impressiones variis illatæ partibus, & in eundem demum occurrente truncum. Ne tamen funiculos adeò disjunctos putes, ut nulla sublateat inter ipsos commercii via: jam verò omnis tolleretur sympathia. Tubuli omnes nervei ramulis admodum gracilibus inter se committuntur. Quo posito servatur illæsa motuum communicatio. Nervorum substantia duplex; altera membranosa, & exterior; altera medullaris, & intima. Illam impetu primo sensibilibus objectorum motus afficit. Hæc strati mollioris instar spiritus animales succumque nerveum fovet, demulcet; horum tumultus amica sedat. Quas ab involvente membrana recipit impressiones, leniter ipsis infinuat. Duriorem enim substantiam delicatius exhorrescunt. Sique à firmioribus canalium parietibus violentius repeilerentur, orgasmus adefset discillimè compescendus. Nervi, multiplices, vasorum sanguiferorum ritu, ramificationes edunt. Hæc, partes quibus implantantur sympathicas reddunt. At sympathiam ibi jam multoties appellatam rides. Peroportunè excogitatam objicis, ut incognita nec unquam fortasse cognoscenda explicentur. Nihil fictitii, nihil occultas veterum qualitates redolentis vox ista præbet. Nec multus in eo probando labor. Sympathia, quid est? Consentanea diversarum partium affectio, objecti sensibilis impressione excitata. Varia, pro vario spirituum animalium impulsu & reflexione. Mechanices legibus tota subservit; vel potius negotium est merè mechanicum. Nervi membranosa pars, prima vim experitur. Tum enascuntur in ipsâ subsultus & vibrationes. Quæ fluido animali intus sublabenti *motus undulatorios* imprimunt. Hi deinde objecti applicatione, ad cerebrum successivâ corrugatione extenduntur. Ut enim perfecta absolvatur sensatio, contrariæ & fere simultaneæ requiruntur spirituum determinationes. 1^o. enim ab objecto quodam exagitati, cerebrum motu legitime circulationi opposito petunt; ibi sensus exoritur, 2^o. Ad par-

tem unde exturbaverat eos objecti sensibilibus impressio remeare coguntur ; tunc integra percipitur sensatio. Hujus ut particeps evadat corporis altera pars , novus spirituum impulsus , nova debet adesse reflexio. Nec simili modo semper impingunt , nec simili repelluntur. Hinc diversa diversis partibus sympathia. Hinc iisdem sæpe non eadem est. Attamen collisionis corporum regulis dociles obtemperant liquores nervei. Quoquo modo reflectantur æquales sunt anguli reflexionis & incidentiæ. Licet truncus idem nerveas quibusdam partibus fibras dividat , non ideo constans inter ipsos affectionum consensus. E contra , partes aliæ , fibras è diverso trunco mutuantes sympathicum quandoque sentiunt commercium. Quin etiam duas uni tertiæ sympathicè respondentes deprehendas , dum inter se nihil communicent. Nulla proinde certa reciprocatio. Aliundè major vel minor fluidi animalis concussio , prout vividioribus , vel remissioribus impressionum ictibus agitur. Ubi grata venit sensatio , tum leniter ad cerebrum deferuntur motus undulatorii. Mira præcipuè cordis & oculorum communicatio. Illius intimos sensus oculi furantur , singulos explicant , palam produnt. Nec immeritò loquaces habentur. Hujus commercii vinculum duplex ; sexta quinquæ nervorum conjugatio. Quæ dum cordi & oculis inferuntur , facili spiritibus animalibus permittunt iter , ut ad illas partes alternâ vice resiliere queant. Numerosam quintum par ramorum sobolem spargit. Harum ope committitur pluribus corporis partibus relatio. Nec ei jam mysteria forent insigniores sympathiæ effectus , quem non lateret paris hujus univërfa distributio. Sæltè notum est ex eo fibras ad faciem & cor diduci multiplices. Hinc facies affectionum cordis delineationem accipit , harumque instar speculi reddit effigiem. Cor vicissim faciei quàm sæpe consentit ! Illud blande movet , osculi suavitas. Voluptatem ipsi per nervos molli amne devehunt spiritus animales. Huic expanditur hanc penitus concipit ; indeque latius exultat. A mechanico igitur fluidi animalis impulsu & reflexione sensationes & sympathici motus necessariò dependent. *Nullos proinde aptiores huic fluido tubos invenieris.*

V.

SYSTEMA ex arbitrio condere non operosum. Validis argumentis fulcire labor. Vix extructum sæpè corrui. Pravo subnixum fundamento brevi dat ruinam. Nova in dies deteguntur , nova excogitantur. Hypothesi truditur hypothesis. Unaquæque ad tempus viget. Sympathiam oculis qualitatibus veteres adscripserant. Fictos quosdam corporum ciebant appetitus. At ipsi , suaque jamdudum evanuerè deliria. Statutis nunc legibus sympathicæ affectiones parent. Omnia mechanice peraguntur. Et ista quidem optimè. Quid verò inconspicuo admisisse liquores juvat ? Quid canales quorum vix concipiaro exilitas ? Nervum ex imperforatis fibrillis constatum dicamus ; fibræ omnes *Vibratilitate* pari donentur : Jam quanto commodius , quanto facilius exinde fluat sensuum communicatio ! Quæ ab objectis externis , funibus nerveis advenient impressiones , has continuò ad cerebrum usque tremuli deferent. Nec illis vario spirituum animalium impulsu & reflexione opus erit. Verùm hæc , quàm acuta , non ideo tam vera nobis obijciuntur. 1º. quidem non æque im-
perspicui sunt scaturientes per nervos liquores. Observabilis quandoque succus nerveus adest in recenter natis quorundam animalium Catulis. Si truncus

major vinculo constringatur ; & ita liquori transitus intercludatur, tum supra ligaturam nervus intumescet. In eodem puncto illum interfeces, extillabit viscosus humor. 20. *Vibratilitatem* nervorum fibris non negaverimus. Huius ope, objectorum impressiones in cerebro, vi lociâ, intimius delineantur. Verum quid valet ipsa, spirituum animalium consortio carens? Num funiculi mollioris subsultus, aut levis succussio excitatum in extremis corporis inferioribus, motum ad superiora poterit remittere? Aut si possit quàm imbellis erit impressio! Quàm hebetes sensus! Sola igitur *Vibratilitas* sensationibus producendis impar. Quosdam offendit alterna spirituum animalium à cerebro ad partes, & à partibus ad cerebrum incurfio. Ea determinatio, cum *Undulationibus* contrariis, ab objecto sensibili illatis difficillimè concilianda videtur. Verum spiritus, torrentis instar non rapido feruntur impetu. Adeò lenis influxus est, ut à causâ quavis impellente mutari queat. His omnibus defensa prodeat Conclusio.

Ergo Nervi, Canales.

DOMINI DOCTORES DISPUTATURI

<i>M. Natalis - Maria de Gevigland.</i>	<i>M. Jacobus - Franciscus le Chat de la Sourdiere.</i>	<i>M. Jacobus - Antonius Millet.</i>
<i>M. Franciscus - David Hérisant.</i>	<i>M. Joannes - Franciscus Isez.</i>	<i>M. Michaël Péager.</i>
<i>M. Antonius Bergier.</i>	<i>M. Carolus - Franciscus Boutigny des Preaux.</i>	<i>M. Claudius - Antonius Renard.</i>

Proponebat Parisiis JOANNES LE THIEUILLIER, Parisiensis;
Saluberrimæ Facultatis in Universitate Parisiensi Baccalaureus Medicus,
A. R. S. H. 1743. à sextâ ad meridiem.